

Urratik

LEINTZ GATZAGA / Egubakoitza / 2005eko urriaren 7a / 22. zenbakia

KOORDINATZAILEA: Xabier Urtzelai • Otolara Lizentziaduna 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: xurtelai@goiena.com • Lege gordailua: SS483/05

35 kilometro egingo dituzte Gatzagako mendiko bizikleta irteeran domekan

XABIER URTZELAI

Joan den urtekoarekin alderatuta, apur bat luzeagoa egingo dute aurtengo ibilbidea (5 kilometro inguru). Domekan, 10:00etan hasiko dute mendiko bizikleta irteera. Izena eman ahal izateko, nahikoa izango da ordu erdi lehenago plazan egotea.

Eta ez izena emateko bakarrik, bizikleta martxa hasi aurretik apur bat berotzea ere komeni da-eta. Izan ere, Gatzagako ibilbideak hasiera gogorra izango du: "Gatzagatik Dominara, handik Aurdinganera, Angutara, Usokoaitzera eta handik Landara egingo dute", esan digu Jon Sasiainenek. Auzo horiek ezagutzen ez dituenarendako esan, gutxi gorabehera Gatzagatik Dorletara, eta handik ezkerretara egingo dutela, Ertzainen antena aldera. Horrek esan gura du lehenengo zazpi kilometroetan malda ederrak izango direla. Landatik Gure Ametsa jatetxerantz egingo dute, eta hortxe jarriko dute jatekoa eta edatekoa (20. kilometroa izango da). Indarrak apur bat errekupe-ratu eta gero, Gaztainuzketatik gora egingo dute, Jarindora iritsi barik lehengo trenbide zaharreko bidea hartu, eta berriro ere Gatzagara jaisteko.



Besaide Mendi Elkartek antolatutako irteeran, Gatzagatik jarri zuten jatekoa eta edatekoa.

5 KILOMETRO GEHIAGO

Jon Sasiainen esanetan, joan den urteko ibilbidearekin jendea oso gustura geratu zen, baina motz samarra izan zela-eta, apur bat gehiago luzatzea erabaki dute: "Joan den urtean 150 lagun inguru etorri ziren, eta aurten bizikleta zale gehiago espero ditugu. Dagoeneko badakigu Gasteiz alde-

tik 15 laguneko koadrila bat etorriko dela",

Nagusiendako bakarrik ez, gaztetxoendako ere beste ibilbide bat antolatu dute, Gure Ametsatik Landaraino joango dena: "Bizikleta irteeran parte hartzeko nagusiek 10 euro ordaindu beharko dituzte, eta gazteek 6 euro. Prezioaren barruan egon-

go da kamiseta bat, hainbat produktoren zozketa, hamarretakoa, proba eta gero egongo den luntxa...". Horrekin batera esan, 4x4 autoak eta motorrak izango direla arazoak dituzten txirindulariei laguntzeko, eta ibilbidea amaitutakoan bizikletak garbitzeko eta dutxatzeko aukera ere izango dela.

LABUR

Gazteendako pilota ikastaroa antolatu du GURELek

Martitzenetan eta eguaztentean egingo dute ikastaro hori, 18:30etik 19:30era arte. Jose Angel Belokik emango du herriko gaztetxoendako zuzenduta dagoen ikastaroa. Horretarako, gainera, Gurasoen Elkartek Udalarari eskatu dio ordutegi horretan pilotalekua ikastaroarendako gordetzea, eta Udalak onartu egin du hori. Hala, ikastaroaren helburuetako bat da Gatzagako pilota taldea sortzea. Animatezen denak Labidea dendan eman ahal du izena.

KZgunea zabalik, eta urriko ikastaroak gertu

KZgunea zabalik dago berriro ere, eta herritarrek astelehenean egubakoitzera erabili ahal izango dituzte bertako ordenagailuak (17:00etatik 20:00ak arte). Horrekin batera esan, urriaren 10erako eta 24rako antolatu dituztela urriko ikastaroak. Hilaren 10ean, Adobe Acrobat Reader programa erabiltzen irakatsiko du Aitor Madrilek, eta hilaren 24an, Internet erabiliz etxetik nola erosi irakatsiko du.

15 egun emango dizkiote Diputazioari erantzun dezan

X.U.

Joan den egubakoitzean egin zuten Gatzagako herritarrek udaletxean batzarra. Autobus zerbitzurik ez daukatela salatze eman beharreko pausoen gainean ibili ziren berbetan.

Oraingoan, gainera, Gatzagako talde guztiak egon ziren ordezkartuta, herriko gazteak ere izan ziren-eta batzarrean. Gainera,

gazteek ere arazo horren gainean asko dute esateko.

Zein mobilizazio egin adosteko elkartu ziren egubakoitzean, baina azkenean erabaki zuten Udalak Diputazioari gutun bat bidaliko diola, eta herritarrek beste bat. Hala, Koldo Azkoitia diputatuari eskatuko diote 15 egunen epean batzar bat egitea, herrian duten arazoa azaltzeko: "Gainera, Koldok ondo ezagutu beharko luke Gatzagako arazoa, herriko bizi-

lagun izan zen-eta", esan digu GURELeko presidentek.

Udaleko ordezkariak batzarrean esandakoaren arabera, badirudi Diputazioak gaiari heltzeko keinua egin duela, eta ezer egin aurretik hori horrela den ikusi gura dute herritarrek. Hori bai, erantzunik jasotzen ez badute, herritarrek han eta hemen azalduko dute daukaten arazoa zein den, eta erantzuleak nortzuk diren ere argi eta garbi adieraziko dutela esan digute.



Autobusik ez, eta zirkulazio handia egoten da gainera.



gelatzu s.l.

Zubillaga auzoa 1 OÑATI
Tel.: 943 71 63 22
Faxa: 943 78 15 51

**Eraman
dotoretasuna
zure etxera**



Azkarate eta Ardatza: arotz lanetan behar duzun guztia



Zoru aukera zabala
Tarimak
Parket flotatzaileak, bernizatuak
eta estratifikatuak



Ateak • Leihoak • Horma-armairuak • Tarimak • Parketak • Sukaldeak

Neurrira ebakitako tableroak • Apalak • Kajoiak • Zokaloak
Moldurak, sarrailak • Manilak • Egurrezko objetuen pintaketa



**AZKARATE
AROSZTEGIA**

Telleria 19, B-0-2 B-0-3
BERGARA
Tel.: 943 76 47 19
610 884 020



ARDATZA

Brikolaketa

Masterreka 4, behea.
Tel.: 943 76 18 93
BERGARA



ETXEAN NAHI DITUGU!

Arrasateko Alde Zaharreko tabernak:
Irati, Iluntz, Ekaitz, Iturriotz, Biona, Basati, Kimetz




KEPA URRA



JON AGIRRE



JOSU URIBETXEBARRIA



LUIS MARI AZKARGORTA



PREMIN SANPEDRO



IGOR LETONA



TXUS GOIKOETXEA



JOSU ARKAUZ




UNAI PAROT




GORKA AZTIRIA



GAIZKA OLABARRIETA



JOSE I. GAZTAÑAGA



JESUS MARI ZABARTE



JOSE GABRIEL URIZAR



ARATZ GOMEZ



SAIOA ALZUA ETA GAIZKA AZKARATE

*Alaitasuna ta jai giroa
ez dira izango aparte
baina halere falta direnak
oroitu nahi genituzke
Eperra, Ion eta beste guztiak
nahi doguz hemen ta aske
gure herria maite dugunez
ez dugu etsiko bape
borroka eta jaia uztartuz
helburuak lortu arte*